

QUINAPRIL

kwin-ah-pril

He aha te mahi?

Whakamahia ai te *quinapril* hei whakamaimoa i te toto pōrutu, te hēnga manawa me ētahi mate tākhi. He whakangohe i ngā ia toto, he whakaheke i te pēhanga toto, ā, ka māmā ake te tuku toto haere a tō manawa ki tō tinana.

I mua i to tīmata

- Me kōrero atu ki tō rata mēnā kua pā mai te angioedema (pupuhi ngā ngutu, arero, korokoro, kanohi rānei) ki a koe.
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.

Me pēhea te kai?

Me kai te *quinapril* e ai ki ngā tohutohu me tētahi inu wai. Ka taea tēnei te kai i te taha o te kai, kāore rānei.

Ka aha mēnā ka wareware i a koe tētahi horopeta te kai?

Mēnā kua tata ki te wā mō tō horopeta whai ake, me waiho te horopeta i tāhapa ka kai i tō kai horopeta whai ake hei taua wā anō. Tērā rānei, me kai te horopeta i tāhapa ina maumahara koe. Kaua rawa e kai i ngā horopeta e rua i te wā kotahi.

Ka taea anō e koe ētahi atu rongoā te kai?

Ka tukituk pea ētahi rongoā ehara i te ōta rongoā ki te *quinapril*, pērā i ēnei:

- ngā pire ārai-whakakakā, pērā i te diclofenac (hei tauria, Voltaren®), ibuprofen (hei tauria, Nurofen®), aspirin rānei (hei tauria, Disprin®, kei ngā horopeta whakamau mamae). Ka kitea ēnei i roto i ētahi rongoā rewharewha me te whurū (hei tauria, Nurofen Cold me te Flu®)
- ngā hua āpiti konurehu (hei tauria, Span K®)

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huaora, ngā hua otaota, ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtuhutanga hei whai
Pupuhi ngā ngutu, arero, korokoro, kanohi rānei	Me wawe te kōrero atu ki tō rata
Ka rerekē te kapa manawa, ka uauawhiti, ngoikore rānei ngā uaua	Me kōrero atu ki tō rata
Maremare	Me kōrero atu ki tō rata mēnā kei te mamae
Ko ngā tohumate o te toto pūroto pērā i te pōātinitini, tāporepore rānei	Me āta tū ake. Mēnā kei te pā tonu mai, he tino kino rānei me kōrero atu ki tō rata.

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Me auau tō whiwhi whakamātautau toto i a koe e kai ana i te *quinapril* hei tiroiro mēnā kei te pā he raruraru ki ō tākhi, te rahinga rānei o te konurehu i roto i ō toto.